

Ugovor o isporuci i ugradnji sistema tehničke zaštite, broj: 5704-1/2017  
Zaključen u Sarajevu dana 29.12.2017. godine.

Između:

JAVNA USTANOVA OSNOVNA MUZIČKA ŠKOLA ILIDŽA, ul. Josipa Slavenskog broj 24, Ilidža ID: 4200168410003, koju zastupa: Dijana Preljević, direktor (u daljem tekstu: Naručitelj usluga),

i

Agencija za zaštitu ljudi i imovine Securitas d.o.o., ul: Bačići 3, 71000 Sarajevo, ID: 4227417480004, PDV: 227417480004, koju zastupa Valdin Jazić, direktor (u daljem tekstu: Davatelj usluga)

#### Član 1.

Predmet ugovora je isporuka i ugradnja sistema tehničke zaštite: sistema videonadzora, vatrodajave i protivprovalne.

#### Član 2.

Ugovorene strane su saglasne da Davatelj usluga isporuči opremu, izvrši ugradnju i pusti u rad opremu u poslovnom objektu Naručitelja usluga JU Osnovna Muzička Škola, Ilidža na adresi Josipa Slavenskog broj 24, Ilidža. Specifikacija opreme i uslovi isporuke, ugradnje i puštanja sistema u rad navedena je u ponudama br. 1336-10-17-05-01, 1337-10-17-05-01 i 1338-10-17-05-01 (u daljem tekstu ponuda), koje su sastavni dio ovog ugovora.

Krajnji rok za ugradnju opreme i prijem instaliranog sistema tehničke zaštite je 30 dana od potpisivanja ugovora.

#### Član 3.

Cijena isporuke i ugradnje opreme specificirane u ponudi iznosi 6.998,34 KM (šesthiljadadevetstotinadevedesetosam 34/100 konvertibilnih maraka), u cijenu je uračunat PDV.

#### Član 4.

Obaveze Naručitelja usluge: uvede Davatelja usluge u posao; obezbjedi nesmetan pristup objektu, radnicima i opremi; vrši nadzor na realizaciji ugovorenog posla; da postavi ovlaštenog predstavnika za realizaciju ovog ugovora; vodi računa o edukaciji osoblja/korisnika sistema tehničke zaštite, za rukovanje sistemom zaštite i pridržava se svih savjeta i uputa za rukovanje sistemom; obavijesti Agenciju o promjenama u radu, neispravnosti sistema i njegovih komponenti; izvrši tehnički prijem sistema tehničke zaštite i potpiše zapisnik o istom; vrši redovno šestomjesečno servisiranje i kontrolu ispravnosti sistema tehničke zaštite.

#### Član 5.

Obaveze Davatelja usluge su da: radove izvede u skladu s predmjerom i uslovima navedenim u ponudi; obuči Naručitelja usluga da samostalno rukuje sistemom i obezbjedi uputstvo za rukovanje sistemom tehničke zaštite; na svoj teret obezbjedi alat i drugu neophodnu opremu za izvršenje radova ugovorenog posla; pripremi zapisnik o tehničkom prijemu i potpiše isti sa predstavnikom Naručitelja usluga; uz saglasnost Naručitelja usluge vršiti redovni šestomjesečni pregled, tj. servisiranje i kontrolu ispravnosti opreme i tehničkih sredstava koja se koriste za tehničku zaštitu; sačini zapisnik o izvršenom servisiranju i kontroli ispravnosti; po obavijesti od strane Naručitelja usluge o utvrđenim nedostacima i nepravilnostima u funkcionisanju sistema tehničke zaštite izvrši vanredno servisiranje i kontrolu ispravnosti sistema tehničke zaštite; obuči osoblje dNaručitelja usluga da samostalno rukuje sistemom i obezbjedi uputstvo za rukovanje sistemom tehničke zaštite i izda potvrdu da su sistemi ugrađeni u skladu sa Uredbom o poslovima tehničke zaštite koji se odnose na upotrebu alarmnih sistema, video nadzora ili drugih sredstava i opreme te poslove intervencije u slučaju aktiviranja alarma („Službene novine Federacije BiH”, broj 72/15).

#### Član 6.

Svaka ugovorna strana će čuvati povjerljivima i neće otkrivati bilo kakve povjerljive podatke o drugoj ugovornoj strani, a koji su joj otkriveni u vezi s ovim Ugovorom, osim ako je to nužno u svrhu izvršenja usluga i izvršavanja bilo koje dužnosti prema ovome Ugovoru. Podaci se smatraju povjerljivima ako ih je ugovorna strana koja ih otkriva u vrijeme otkrivanja naznačila kao povjerljive ili ako je primatelj, uzimajući u obzir sve okolnosti otkrivanja, trebao razumno shvatiti da su povjerljivi. Niti jedna ugovorna strana prema ovome Ugovoru nema obavezu čuvanja povjerljivosti podataka: (i) koji su ili naknadno postanu javno dostupni bez kršenja bilo koje obaveze iz ovog Ugovora; (ii) koji su bili u posjedu druge ugovorne strane prije vremena kada su prema ovome Ugovoru prvi puta otkriveni; (iii) koji se otkrivaju uz prethodno pisano odobrenje druge ugovorne strane; ili (iv) koji se otkrivaju prema nalogu ili zahtjevu suda, upravnog ili drugog državnog tijela.

#### Član 7.

Ni jedna od ugovornih strana neće biti odgovorna za neispunjenje obaveze iz ovog ugovora koje bi nastalo zbog više sile. U slučaju da je jedna od ugovornih strana ometena uzrocima više sile dužna je da o tome obavijesti suprotnu stranu u roku od 24 sata. U toj obavijesti mora detaljno navesti i opisati uzrok više sile i odrediti naknadni rok za ispunjenje ugovorenih obaveza.


#### Član 8.

Za sporove između Ugovornih strana vezano za postojanje, izradu i izvršenje ovog Ugovora ili bilo koji spor u vezi sa poslovnim odnosima Ugovornih strana, a koje Ugovorne strane ne mogu da riješe mimim putem, biće nadležan sud u Sarajevu.

#### Član 9.

Ukoliko strane dogovore pružanje usluge dojavnog centra i intervencije o tome će sačiniti drugi ugovor u kojem će definisati međusobna prava i obaveze, usklađene sa važećim zakonskim propisima u oblasti privatne zaštite. Ovaj ugovor je sačinjen u 2 (dva) jednaka primjerka od kojih svaka ugovorna strana zadržava po 1 (jedan) primjerak ugovora.

Potpisano za i u ime:  
NARUČITELJ USLUGA



Por: 413/17  
29.12.2017.

